

中興禮書

中興禮書第二百九十五卷

凶禮六十

車駕臨奠

紹興三年正月十九日內侍王晉行奉聖旨指揮間門
今月二十五日車駕幸故慶遠軍節度使邢煥宅臨奠
應有合行排辦事件依例疾速施行

二十二日臣僚上言昨日風聞車駕欲幸故慶遠軍節
度使邢煥第臨奠始不敢以為信今日竊知已有聖旨
指揮用今月二十五日臣竊以為不可蓋自鑒興未還
宮闕駐蹕吳越累年至今未嘗命有司所之百姓豈不
欲瞻天日之表聞車馬之音乎陛下豈不欲迎春東郊
祈穀于上帝乎特謹重戒輒有所不出出則必有大慶

非布德行惠治兵講武則非所先也一出則必慰四海之屬望風舉欣欣然相告至於肺腑恩澤之厚何足以動乘輿乎況正月之吉始和布法象魏天地和同草木萌動當順生氣其於弔臨故臣尤非所宜所有今月二十五日車駕幸故慶遠軍節度使邢煥第臨奠聖旨伏乞早賜寢罷詔前降指揮更不施行

二月五日端明殿學士左朝議大夫致仕權邦彥上遺

表詔令太常寺擇日臨奠

增右丞事即韓公奏乞賜寢罷詔依

七年六月十五日內侍林景奉聖旨指揮太常寺知樞

密院事沈與求堯令擇日駕幸臨奠

子雲記沈乞賜寢奏持先臨奠詔依

九年十一月六日內侍鄧輔道奉聖旨指揮太常寺今

月六日嗣濮王仲偁堯令擇日駕幸臨奠

子士周言不致仰動聖駕

改葬

十二年十一月十七日內侍張嵩奉聖旨指揮太常寺
今月十四日太保劉光世薨令擇日駕幸臨奠
二月十八日

二十三日故太傅劉光世妻向氏狀竊念亡夫光世身
沒未幾伏蒙朝廷贈官救葬恩數過優存歿哀榮威感
國恩恭聞車駕更欲臨奠私門凶釁不敢仰勤至尊清
蹕臨幸異禮舉族不勝皇懼之至欲望特賜數奏乞賜
寢免詔不允

十二月六日太常寺奏准御藥院傳宣劄子奉聖旨指
揮太常寺將來臨奠秦魯國大長公主劉光世可速條
具冠服禮儀付御藥院聞奏本寺今比附政和五禮新

儀參酌修立到臨奠儀注如左計奏命太史擇日臨奠

前期儀鸞司於受奠者之第大廳東間設御帳周以簾

帷又於大門內外設從駕臣僚次其日皇帝常服紅袍進

服臨時自內出即御座文武從駕臣僚及侍衛應奉人

起居如常儀有司進輦皇帝乘輦以出侍御警蹕如常

儀將至主人服纓免經去杖哭出於門外立班服如未成

帶本故髮衣衫索綳望見乘輦止哭迎駕起居舍人贊拜

主人以下皆再拜訖退後宣從駕臣僚至門外退就幕

次婦人綰服起居俟皇帝乘輦至靈座香案前降輦或

御性降輦步三上香奠酒訖乘輦歸帳南向坐宣主人

入立於階下北面宣問訖無男者遣內侍宣主人

皆再拜訖退出門外立班次有司進輦皇帝乘輦出門

主人以下再拜皇帝還內如來儀詔依

同日詔八日臨奠秦魯國大長公主次臨奠劉光世九日特作歌泊假臺日

十六年正月十九日內侍楊傳奉聖旨指揮太常寺今月十七日德慶軍節度使開府儀同三司錢愐堯今擇日駕幸臨奠

去永嘉郡夫人郭氏

二十一年捌月七日内侍楊葆奉聖旨指揮太常寺今

月六日太傅咸安郡王韓世忠堯今擇日駕幸臨奠

親妻

國夫人郭氏次伏望特賜數奏乞賜寢免詔依

二十三年十二月拾日内侍鄧椿年奉聖旨指揮太常寺今月八日太傅平樂郡王韋淵堯今擇日駕幸臨奠

子諡諡奏乞追還前命詔依

二十四年七月廿日內侍闕裡奉聖旨指揮太常寺故太師清河郡王張俊薨令擇日駕幸臨奠

九日故太師清河郡王張俊妻榮國夫人章氏劉子奏伏覲已降聖旨指揮令太常寺擇日車駕臨奠亡夫張俊者聞命震驚罔知所措伏緣亡夫張俊遭遇聖明始終荷朝廷恩顧禮意優渥種種畢備適此秋暑異常豈敢上勤萬乘之重欲望聖慈省納危衷特罷臨奠異數詔不允

十六日禮部太常寺言奉聖旨指揮太常寺故太師清河郡王張俊薨令擇日駕幸臨奠今據太史局選到宜用七月二十七日戊寅吉詔依

二十三日闕門狀今具下項 一奉聖旨今月二十七

日車駕幸故清河郡王張俊府臨奠二十八日特作歇
泊假一日 一奉聖旨宰執幕次就祕書省餘從官正
任以下於右文殿門外廊上釘設 二十肆日太常寺
奏准御藥院傳宣劄子奉聖旨指揮太常寺將來臨奠
張俊可速條具冠服禮儀付御藥院聞奏本寺今比附
政和五禮新儀參酌修立到臨奠儀注詔依劉光世例
施行張俊其日與張俊弟降輦入轎攬旁黃旗
昭真訖歸便易紅服餘與臨奠劉光世儀注一同
更不
更載

同日內侍楊敏中奉聖旨傳宣閣門今月二十七日應
在內諸門並比常早一刻開駕幸故太師清河郡王張
浚府臨奠應有合行排辦事件依例疾速施行
二十五年十月二十四日內侍王楫奉聖旨指揮太常

寺今月二十四日太師尚書左僕射秦檜薨令擇日駕幸臨奠

二十六日御藥院奏准尚書省劄子備奉聖旨秦檜薨擇日駕幸臨奠契勘昨臨奠太師清河王張俊當時降指揮太常寺令條具冠服禮儀付御藥院聞奏所有今來取進止詔依昨臨奠張俊例

三十日幹辦御藥院董仲永奉聖旨指揮太常寺秦檜薨已降指揮十一月二日臨奠更不施行令過郊禮別行擇日

十一月十九日內侍楊敏中奉聖旨傳宣閣門今月二十日駕幸故太師建康郡王秦檜府臨奠應有合行排辦事件依例疾速施行

二十七年三月二十七日內侍于帷修奉聖旨指揮太

常寺故尚書右僕射萬俟卨薨令擇日駕幸臨奠子奏

賜奠聖慈持

四月十七日內侍王公昌奉聖旨指揮太常寺故少師

信安郡王孟忠厚薨令擇日駕幸臨奠子克恭乞

乾道元年二月二十九日內侍李功甫奉聖旨指揮太

常寺今月二十八日少保尚書左僕射陳康伯薨令擇

日駕幸臨奠子景辰狀乞特為

六月六日內侍王敦禮奉聖指揮太常寺同知樞密院

事王剛中薨令擇日駕幸臨奠子景辰狀乞特為

二年八月二十二日內侍李功甫奏聖旨指揮太常寺

今月二十二日少保新興郡王吳蓋薨令擇日駕幸臨

奠乞奏特賜國大人趙所代奏伏

十一月七日内侍李唐弼奉聖旨指揮太常寺今月六

日太傅和義郡王楊存中薨令擇日駕幸臨奠子侯狀

奏特賜寢元詔依

七年二月二十一日内侍李佐奉聖旨指揮太常寺太

傅大寧郡王吳益今月二十一日薨令擇日駕幸臨奠

奏王此奏乞收回成命詔依

淳熙元年十月十六日詔參知政事鄭開身薨令有司

司擇日駕幸臨奠子林狀伏聖數奏

七年十二月十九日内侍謝憲奉聖旨指揮太常寺今

月十八日少師嗣樸王士輅薨令擇日駕幸臨奠於年

衛將軍不合奏乞賜停寢詔依

八年七月三日內侍吳惟勤奉聖旨指揮太常寺今月

二日少傅永陽郡王居廣薨擇日駕幸臨奠乞賜休寢奏

依此

九年六月十八日內侍何靖奉聖旨指揮太常寺今月

十八日同知樞密院事兼權參知政事謝廓然薨令有

司擇日駕幸臨奠子周鼎狀奏寢罷前命詔依

中興禮書第二百九十六卷

凶禮六十一

輟朝

三公三少宰相王開府儀同三司執政官太子太師太傅太保特進觀文殿大學士太尉太子少師少傅少保開封府牧御史大夫六曹尚書金紫銀青光祿大夫副王郡王左右金吾衛左右衛上將軍節度使管軍步軍副都指揮使以上開封府尹及曾任宰相執政官薨卒依太常寺條合皆輟朝其執事官守試者非曾任使相以上或見任開府儀同三司及特進東宮三師輟兩日餘官一日宗室期服大功緦三日小功緦麻一日即其合輟日分奏聞內或有特輟日數臨時降旨建炎四年

十月二十八日中書門下省言勸會楚州被圍日久鎮撫使趙立鼓率將佐軍民禦敵奮不顧身戮力血戰中砲身死委是忠義顯著理宜優加褒贈詔特輟朝一日

恭按續通鑑作二日

紹興二年八月十二日詔安定郡王令詒薨特輟視朝

一日

紹興八年十月十四日

三年正月一日內侍鄺詢奉聖旨指揮閤門去年十二月三十日慶遠軍節度使致仕邢煥身亡特輟朝二日

自六月始

二月四日內侍吳康國奉聖旨指揮閤門今月四日簽書樞密院事權邦彥薨特輟視朝一日

五月七日太常寺言資政殿大學士左大中大夫吳敏

堯本司勳會依條合輟視朝二日契勘輟朝係輟前殿
正朝尋批會到閤門即今來御正殿已後止是後殿坐
緣帶素紗軟脚幘頭舉哀十五音止皇帝釋素服服常
服乘輿還內今討論欲依典故其衣服下文思院計會
御藥院製造送納所有日辰令太史局選定報太常寺
申取朝廷指揮 一檢照國朝典故中書門下文武百
官進名奉慰今討論欲依典故施行詔依

四月一日太常寺言已降指揮皇伯母秀王夫人堯皇
帝於後苑壬地設幕殿舉哀成服其日中書門下文武
百官進名奉慰所有日辰今據太史局選定宜用四月
六日癸酉吉時宜用其日乙時吉及欲乞依日俟皇帝
舉哀成服御史臺閤門太常寺報引宰臣已下文武百

官詣崇政殿門外立班進名奉慰詔依

淳熙七年二月七日皇子魏王薨舉哀成服用二月十日

中興禮書第二百九十七卷

凶禮六十二

詔葬一

建炎四年十月二十八日中書門下省言勘會楚州被圍日久鎮撫使趙立鼓率將佐軍民禦敵奮不顧身戮力血戰摧堅破銳屢獲勝捷昨緣金人於西門攢抱攻打州城遂致城破人馬入城其趙立身先士卒賈勇巷戰殺賊出城又於九月十七日金人再來扣城攻打立繞聞急報不候人馬齊集單騎上城措畫備禦間中砲身死安是忠義顯著理宜優加褒贈詔特贈奉國軍節度使開府儀同三司賜諡忠烈與十資恩澤候收復楚州日差官前去致祭及尋訪遺骸監護葬事建立廟宇

永為忠臣義士之勸仍令越州就寺觀作水陸道場黃
籙照各一會追薦趙立及楚州應緣戕守亡歿官吏軍
民合用錢令戶部支降疾速施行

紹興元年十一月十日幹辦御藥院陳永錫奏准指揮
差主管康國福康惠徽夫人蕭氏墓事應有合行事件
比附第四等勅葬所有左藏庫依條合排辦供應錢物
欲乞更不取索支供詔依止用本家錢物

二年八月十七日幹辦御藥院邵鄂狀准差主管嘉國
懿康惠徽夫人朱氏墓事今欲乞比附故康國福康惠
徽夫人蕭氏墓事體例

同日內侍吳康國奉聖旨於靈安府取水銀一百兩熟
白龍腦三十兩充賜故嘉國懿康惠徽夫人朱氏身亡

使用

三年正月十一日故虔遠軍節度使邢煥妻熊氏進狀
伏蒙聖恩特降中使宣問亡夫邢煥本家願與不願勅
葬事妻不敢上貽聖慮動煩朝廷具劄子乞免已蒙允
從竊緣本家雖已竭力營辦深慮不前伏望聖慈特降
睿旨差中使一員主管葬事詔所乞差內侍主管葬事
不行令戶部支賜銀絹各一千匹兩仍令本家一面踏
逐葬地候踏逐到令所屬軍州量行應副葬事

四月十三日太常寺言勘會尚書右僕射朱勝非母魯
國太夫人楊氏已選定四月十八日出餘杭門前去湖
秀州橫殯檢准本寺條諸宗室臣僚內人殯葬應設鹵
簿儀仗贈祭應用人物准格供差各隨事報所屬並前

一鎮撫使趙立并安定郡王令話係於後殿坐日分內
輟朝了當今來吳敏合該輟朝取自朝廷指揮詔特輟
視二日分自後凡遇輟朝並依此

四年九月八日開門言准內侍王錫奉聖旨指揮開門
今月七日安定郡王令時堯特輟視朝三日續批到太
常寺今來輟朝係在明堂散齋之內即有妨礙合輟明
堂禮畢日已輟朝勘會輟朝合綴正朝今月十七日係
正朝日分合自當日為始詔依

六年正月華州觀察使安定郡王令玘堯輟視朝三日
八月觀文殿學士左通議大夫范宗尹堯綴視朝二日
七年六月十七日內侍藍介奉聖旨指揮開門今月十
五日知樞密院事沈與求堯特輟朝二日

七月開府儀同三司嗣濮王仲湜薨報七月二十四日
二十五日視朝二日

閏十月資政殿大學士左中大夫王絢薨報閏十月十
一日視朝一日

八年十二月資政殿學士左大中大夫陳與義薨報十
二月十六日視朝一日

九年四月一日少保鎮南軍節度使呂頤浩薨報四月
十七日十八日視朝二日

七月慶國柔懿淑美保慈夫人吳氏薨報視朝三日保
平靜難軍節度使開府儀同三司四川宣撫使吳玠薨
報七月十九日二十一日視朝二日

十一月六日內侍甘澤奉聖旨指揮閣門嗣濮王仲偁

堯特輟視朝參日

自七月
為始

十年二月特贈少師李綱堯輟二月二十一日二十二

日視朝二日

十一年五月十九日檢校太傅保信軍節度使開府儀
同三司致仕汪伯彥堯輟六月十八日十九日視朝二
日

六月資政殿學士左中大夫致仕馮解堯輟六月七
日視朝一日

八月資政殿學士左中大夫顏岐堯輟八月二十七日
視朝一日

十一月端明殿學士左中大夫徐俯堯輟十一月七日
視朝一日

十二年二月六日內侍麥友直奉聖旨指揮閤門今月

六日婉儀張氏薨特輟視朝二日

自七日為始

十一月十四日太保劉光世薨輟視朝二日

同日秦魯國大長公主薨輟視朝五日

十三年十二月修容魏氏薨輟視朝一日

十四年九月十二日禮部太常寺言准尚書省劉子奉

聖旨秦魯國賢穆大長公主出葬今禮部太常寺檢舉

典故具合行禮數申尚書省檢准國朝典故申國大長

公主掩壙輟朝一日勘會今來秦魯國賢穆大長公主

已選定九月十三日出葬欲依前項典故於出葬日輟

視朝一日除檢准上件典故外別無合行禮數兼契勘

九月十三日出葬輟朝緣同日係大祀假後殿坐止合

就輟其日視朝詔依

十一月少保感德軍節度使高世則薨輟十二月二日
三日視朝二日

十五年二月同簽書樞密院事王倫薨輟二月十二日
視朝一日

六月資政殿大學士降授左通議大夫知建康府張守
堯輟六月五日視朝一日

閏十一月皇兄寧國軍節度使安時薨視朝一日

十二月十六日太尉慶遠軍節度使郭仲荀薨輟來年
正月二十七日視朝一日

十六年正月十八日内侍張曷奉聖旨指揮閤門今月
十七日德慶軍節度使開府儀同三司錢愐薨特輟視

朝二日

自二十一日始

十八年六月二十日內侍楊迪奉聖旨指揮閤門今月

二十日賢妃潘氏薨特輟視朝二日

自二十一日始

九月二十日內侍楊立本奉聖旨指揮閤門今月十九

日齋書樞密院事廖大方薨特輟視朝一日

二十一日始

二十年六月十日內侍楊葆奉聖旨指揮閤門今月九

日壽國柔惠淑婉懿慈穆育聖夫人王氏身亡特輟視

朝五日內二日不視事

十一月十一日十二日十三日十四日十六日十七日十八日十九日二十日

事視

九月端明殿學士左朝奉郎何若薨輟九月二十四日

視朝一日

二十一年八月六日內侍鄧從乂奉聖旨指揮閤門今

月六日太傅咸安郡王韓世忠薨特輟視朝三日

自七日為始

始

九月安德軍節度使開府儀同三司權主奉濮安懿王祠事士奎薨特輟九月二十三日二十四日視朝二日二十二年九月一日內侍楊敏中奉聖旨指揮閤門今月一日賢妃慕容氏薨特輟視朝二日

輟二日四日

二十三年二月資政殿學士差朝奉郎知建康府楊愿薨特輟二月十三日視朝一日

三月檢校光師光山軍節度使開府儀同三司齊安郡王士儂薨輟視朝二日

七月十三日太傅潘正夫薨輟九月二十七日二十八日視朝二日

十二月九日內侍謝澄奉聖旨指揮閣門今月八日太

傅平樂郡王韋淵堯特輟視朝三日

自十一日為始

二十四年七月二日內侍甘昇奉聖旨指揮閣門今月

二日太師清河郡王張俊堯特縱朝三日

自初三日為始

二十五年十月二十四日內侍王楫奉聖旨指揮閣門

今月二十四日太師尚書左僕射秦檜堯特輟視朝三

日

自二十七日起

二十六年二月左中大夫以拂堯輟視朝一日

十月二十六日內侍于惟修奉聖旨指揮閣門今月二

十六日太尉建寧軍節度使韋謙堯特輟視朝二日

自十七日為始

二十八日崇慶軍節度使嗣濮王士儉堯輟閣十月二

十五日視朝一日

二十七年二月四日太尉武當軍節度使御前諸軍都
統制知興元府楊政薨報五月九日視朝一日

三月三十日內侍于惟修奉聖旨指揮閣門今月二十

七日尚書右僕射萬俟卨薨特報視朝三日自四月七

四月十九日內侍王公昌奉聖旨指揮閣門今月十七

日少師信安郡王孟忠厚薨特報視朝三日報五月四

三十二年二月十四日太尉威武軍節度使劉錡薨報

三月六日視朝一日四

四 皇孫女永嘉郡主薨報四月五日視朝一日

十月五日內侍徐永叔奉聖旨指揮閣門今月四日建

康軍節度使士劇身故特輟視朝一日

六日

十二月十四日內侍楊震奉聖旨指揮閣門今月十四

日故崇國慈良保佑賢壽夫人周氏身亡特輟視朝三

日

自十五
日為始

十五日內侍李功甫奉聖旨指揮閣門今月十四日安

德軍節度使士街身故特輟視朝一日

一日

隆興二年二月三日內侍楊震奉聖旨指揮閣門今月

一日昭慶軍承宣使郭瑛特輟視朝三日

自四日
為始

八月六日內侍李功甫奉聖旨指揮閣門秦國太長公

主堯輟視朝五日內二日不視事

自十一月
十一日為始
不視事

二十九日少師保信軍節度使張浚堯輟九月十六日

十七日視朝二日

乾道元年二月二十八日內侍李幼甫奉聖旨指揮閣

門今月二十八日少保尚書左僕射陳康伯堯特報視

朝三日三月二十四日二十九日

六月六日內侍王敦禮奉聖旨指揮閣門同知樞密院

事王剛中堯特報視朝二日自十一日為皇嫡孫降誕告行

禮日分前後殿不視事十四日

九月十四日內侍李唐弼奉聖旨指揮閣門今月十四

日少保崇信軍節度使趙密堯特報視朝二日自十五

二年二月二十日資政殿學士左通議大夫致仕張綱

堯報四月七日視朝一日

七月五日特進觀文殿學士致仕沈該堯報七月二十

七日二十八日視朝二日

八月二十三日内侍王敦禮奉聖旨指揮閤門今月二十
十二日少保新興郡王吳蓋堯自今月二十四日特嚴
朝三日

十一月七日内侍李唐弼奉聖旨指揮閤門今月六月
太傅和義郡王楊存中堯特報視朝三日後殿坐自今
月十一日為始

三年正月十一日端明殿學士左中大夫楊椿堯報八
月二十五日視朝一日

三月二十九日禮部太常寺言准都省批送下明州申
承前知明州趙伯圭牒今月二十四日為母秀王夫人
張氏薨宗本生母也已解官持服訖批送禮部太常寺
討論典故申尚書省今具下項 一國朝會要皇叔母

乾興元年十二月密王元僊妻魏國夫人賀氏輟三日
天聖二年八月曹王元構妻蜀國夫人王氏輟三日寶
元元年正月荆王元僊妻晉國夫人張氏輟三日一
隆興二年八月六日奉聖旨指揮閣門秦國大長公主
薨特輟視朝五日內二日不視事今討論欲依前項禮
例輟視朝五日內二日不視事詔依

四月一日太常寺言已降指揮皇伯母秀王夫人薨輟
朝五日內二日不視事今欲乞自四月初二日為始輟
朝至初六日內乞初二日初三日不視事詔依

五月十七日太傅奉國君節度使四川宣撫使新安郡
王吳璘薨輟六月十八日十九日視朝二日

六年七月二十六八日資政殿學士左通議大夫葉義

問堯輟九月十三日視朝一日

七年二月二十一日太傅大寧郡王吳益堯輟二月二十七日二十八日視朝二日

九月十二日皇叔祖定武軍承宣使安定郡王合德堯輟九月十七日視朝一日

九年二月二十日榮國公堯輟視朝一日

二十二日內侍李佐秦聖旨指揮太常寺今月二十二日皇叔祖奉國軍節度使同知大宗正事士銖堯輟視朝一日

輟二十三日

淳熙元年二月十七日少保虞允文堯輟四月二十二日二十三日視朝二日

九月二十八日內侍梁暉奉聖旨指揮閤門今月二十

八日昭信軍節度使開府儀同三司曹勛堯特輟視朝

二日自十月三日為始又十月二日御藥院子常侍并令於朝獻復定日輟期續准指揮可特改作今月

九日

十月十二日內侍梁暉奉聖旨指揮閣門今月十二日

參知政事鄭聞堯特輟視朝一日輟十日

二年四月十三日詔觀文殿大學士曾懷堯特輟視朝

二日輟十八日續准指揮可特改作今月二十二日

五年閏月六十一日內侍李思恭奉聖旨指揮太常寺

今月十一日保康軍節度使權主奉益王祭祀居中堯

特輟視朝一日輟十日

七月二日內侍王永年奉聖旨指揮太常寺今月二日

太尉威武軍節度使李顯忠堯特輟視朝一日

三日觀文殿學士大中大夫知建康府劉珙薨輟七月
二十七日視朝一日

二十二日皇叔祖安慶軍承宣使安定郡王令一薨輟
七月二十八日視朝一日

二十五日詔今後遇輟視朝日前後殿不坐

七年二月七日皇子魏王堯特輟視朝五日

十一月三十日少保寧武軍節度使曾觀薨輟十二月
二十三日視朝二日

十二月十四日昭慶軍節度使致仕劉懋薨輟二十
日五視朝二日

十九日內侍謝憲奉聖旨指揮閣門今月十八日少師
嗣濮王士輅薨輟今月二十一日二十二日視朝二日

可並特作後殿坐

八年四月二十日皇伯宜州觀察使安定王子棟堯輟
四月二十七日視朝一日

七月二日皇兄少傅岳陽軍節度使永陽郡王居廣堯
輟七月十三日十四日視朝二日

九年五月九日內侍何靖奉聖旨指揮太常寺今月九
日公主堯輟視朝一日

六月十八日同知樞密院事兼權參知政事謝廓然堯

輟六月十九日視朝一日

十年五月三日保信軍節度使開府儀同三司鄭藻堯
輟五月六日七日視朝二日

舉哀掛服

紹興七年八月二日禮部太常寺言勘會開府儀同三司嗣濮王仲湜薨依條合該申請舉哀成服又緣今來皇帝見在道君皇帝寧德皇后服制之內今檢會乾興元年十二月太常禮院言密王夫人賀氏薨於皇帝為叔母合成服舉哀緣在真宗服制之內望准典禮更不成服從之所有今來仲湜薨舉哀成服乞依乾興故事詔依

乾道三年三月二十九日禮部太常寺言准都省批送下明州申承前知明州趙伯圭牒為母秀王夫人張氏薨已解官持服訖批送禮部太常寺討論典故申尚書省今具下項一檢照國朝會要期服合舉哀成服凡發哀設次於後苑土地前一日所司豫於舉哀所設幕

殿周以簾帷色用青素其將皇帝常服乘輿諸幕殿侍

臣奏請降輿俟時釋常服服素服白羅衫黑銀腰日到

一新城門外陳今與舊同獻官輪博士充仍具名銜以聞

今來魯國太夫人楊氏係一品依條合該排設儀仗都

門贈祭除鹵簿儀仗有司別無見在外所有贈祭依例

闕報所屬排辦今具下項 一合差獻官奉禮郎太祝

太官令各一員內獻官乞依條差本寺博士其奉禮郎

太祝太官令並乞下臨安府差官 一合用祝文一首

乞依例下秘書省修撰 一合用贈玉并匣牀竿各一

全乞下文思院製造供納 以內玉像 一合用祭器并祇

應人乞令本寺差辦 一合用牲牢羊豕各一豕三匹

以熟足 黃絹卓帕二條 各二幅各三尺 并合

用濕香四兩禮料酒齊幣帛並乞下臨安府排辦詔依
自從凡遇都門排辦設醮祭內奉禮部太祝太官令差太
常寺官如不足報更部差侍監丞簿官充攝其牲牢下
牛半司膳其餘合行事件並仿此

十五日朱勝非狀承指揮為母魯國夫人楊氏出殯合
於都門贈祭竊見太常寺所申降賜祝文恩禮過厚非
所敢當及有司排辦禮物稍多差官吏兵級人不少方
時艱難慮有煩擾伏乞特賜宸罷庶使存沒俱獲安迹
詔依

四年三月二十日幹辦內東門司衛茂實狀准差主管
榮國夫人蘇氏葬事其合行事件等第欲乞比附昨嘉
國懿康惠徽夫人朱氏體例詔依

六年四月十六日諸路軍事都督行府言勦會岳飛見

扶護亡母靈柩前往廬山安葬其一行葬事已劄下江
州南康軍同共應副所有合用錢物並許取撥係省錢
支使具數申朝廷除破詔依

七年六月二十二日故知樞密院事沈與求男雲紀狀
准太常寺牒勘會依條二品以上薨出殯日合都門贈
祭今來本家更不願排設贈祭伏乞行下所屬照會詔
依

八月二十四日臨安府狀准尚書省劄子奉聖旨令臨
安府差官宣問仲提本家願與不願勅葬具狀申尚書
省本府尋差簽書節度判官廳公事梁宏祖前去宣問
據本家狀稱不願勅葬詔依

九年八月一日詔差帶御器械邵邵主管慶國柔懿淑

美保慈夫人吳氏葬事

十年七月二十八日內侍謝湜傳宣指揮入內內侍省差幹辦御藥院康誥主管潤國莊做惠徽柔懿夫人張氏勅葬比附故康國福康惠徽夫人蕭氏體例

二十九日內侍王庠奉聖旨於臨安府取水銀一百兩熟白龍腦三十兩充潤國莊做惠徽柔懿夫人張氏身亡使用

十二年二月六日詔差入內內侍省押班邵邵主管勅葬婉儀張氏

八月內侍麥友直奉聖旨於臨安府取水銀熟白龍腦各二百兩充賜婉儀張氏薨使用

十一月十七日內侍麥友直傳宣指揮入內內侍省差

幹辦內東門司李存約主營太保劉光世塋同日內
侍張嵩奉聖旨於臨安府取水銀一百兩熟白龍腦五
十兩充賜太保劉光世塋使用

十九月十七日草土錢忱等劄子奏契勘近故大長公
主劄子奏乞免勅葬只乞就差提點官主管喪事津發
渡江本家扶護往台州安葬伏望特降睿旨施行詔依
二十三日內侍李友仁奉聖旨於臨安府取水銀二百
兩熟白龍腦一百五十兩充賜秦魯國大長公主塋使
用

同日幹辦內東門司提點秦魯國大長公主宅梁忻奉
聖旨指揮臨安府秦魯國大長公主身塋所有應干排
辦合用物色等令疾速應副

十三年十二月十一日内侍楊興祖傳宣指揮入内侍省特差入内内侍省押班衛茂實主管故修容魏氏勅葬

十五年正月二十七日同簽書樞密院事王倫妻安康郡夫人陳氏狀伏為夫王倫奉使不還日近竊聞在虜中身故事本家欲招魂安葬於常州選擇墳地應有合用地段營葬工匠物料等乞令本州應辦詔葬事令常州量行應副

十八年二月二十二日幹辦御藥院李存約狀准差主管溫國夫人張氏葬事欲乞依前詔主管嘉國懿康惠徽夫人朱氏葬事體例今契勘依前項體例比附等四等勅葬所有應干支用錢物並乞從量度支撥畢請實

除破詔依

六月二十日詔差李珂主管設賢妃潘氏勅葬

七月二十一日幹辦御藥院陳彥臣狀准差主管永國夫人李氏葬事其合行事件欲乞並依溫國夫人張氏體例詔依

十月九日故簽書樞密院事詹大方姁淑人李氏狀准太常寺牒依本寺條二品以上纔出殯日都門合設贈祭今來本家更不願排設贈祭伏乞朝廷行下所屬詔照會詔依

十一月十五日幹辦御藥院董仲永狀准差主管和國蕭順夫人張氏葬事欲乞並依陳彥臣主管永國夫人李氏葬事體例詔依

二十年六月十三日内侍楊葆傳宣指揮入内内侍省
差内侍省押班張去為主管故壽國柔惠淑婉和懿慈
穆育聖夫人王氏勅葬

二十一年八月八日内侍鄧從又奉聖旨於臨安府取
水銀二百兩熟白龍腦一百五十兩並充賜太傅咸安
郡王韓世忠薨使用

十日内侍李杲傳宣指揮入内内侍省差睿思殿祇候
徐仲主管故太傅咸安郡王韓世忠勅葬

二十二年九月一日内侍閻拯傳宣指揮入内内侍省
差入内内侍省副都知陳永錫主管故賢妃慕容氏勅
葬

二十三年十二月九日内侍謝澄奉聖旨於臨安府取

水銀二百兩熟白龍腦一百五十兩並麝香太傅平樂郡王韋淵堯使用

十八日入內內侍省奏准內侍閤祿傳宣指揮入內內侍省差齊恩殿祇候王晉行黃大求主管故太傅平樂郡王韋淵勅葬本省檢准勅葬臣僚格主管官一員今承傳宣指揮差王晉行黃大求一員有礙前項格法合具奏稟詔特依今來指揮

二十四年七月二日齊恩殿祇候楊良弼奉聖旨於祇候庫取七梁額花冠貂蟬籠巾朝服一副充賜太師張俊堯使用

三日詔差內侍省押班張去為主管故太師清河郡王張俊勅葬

五日內侍甘昇奉聖旨於臨安府取水銀二百兩熟白
龍腦一百五十兩並充賜太師清河郡王張俊堯使用
二十五年六月三日幹辦御藥院董仲永狀准差主管
咸寧郡夫人郭氏葬事今欲乞比附仲永昨主管和國
肅順夫人張氏葬事體例詔依

十月二十四日禮部太常寺言准尚書省劄子奉聖旨
秦檜身薨合行恩數令禮部太常寺條具申尚書省取
旨禮部太常寺今具下項 一合於臨安府取次水銀
熟白龍腦以歛 一合於祇候庫取七梁額花冠貂蟬
籠巾朝服一幅 一依例差官主管勅葬 一出殯日
都門合排設贈祭 一合贈贈銀絹 一合差官護葬
一出殯日合用本品鹵簿鼓吹儀仗詔依

二十七日故太師秦檜府獲准尚書省司庫司條具到典
故內一項出殯日合用本品函簿儀仗竊見天節在日
諸事務從謙損雖昨來蒙賜到從物并團子衫帶等亦
不敢全用兼今來出葬日逼竊慮製造不及伏乞朝廷
敷奏特賜寢免詔依

二十六年正月七日內侍王楫奉聖旨於臨安府取水
銀五十兩熟白龍腦三十兩充賜內侍省押班康誥身
故使用

二月一日內侍王允修奉聖旨於臨安府取水銀五十
兩熟白龍腦三十兩並充賜前知入內內侍省宋唐卿
身亡使用

十月二十六日內侍王公昌傳宣指揮入內內侍省差

唐思殿祇候王晉行主管故韋謙勅葬

閏十月二十一日幹辦御藥院續理狀准差主管淑國
懿穆夫人梁氏葬事今來並乞依董仲永昨主管和肅
順夫人張氏葬事體例詔依

二十七年三月二十七日詔差衛茂實主管萬俟卨初
葬

同日内侍于惟脩奉聖旨於臨安府取水銀二百兩熟
白龍腦一百兩並充賜尚書右僕射萬俟卨臺使用
四月十九日内侍王允師傳宣指揮入内内侍省差唐
思殿掌管簿書梁紹祖主管故少師信安郡王孟忠厚
勅葬

二十一日内侍王公昌奉聖旨於臨安府安縣取水銀二百

熟白龍腦一百五十兩並兌賜少師信安郡王五忠厚
堯使用

中興禮書第二百九十八卷

凶禮六十三

詔葬二

紹興二十九年八月二十四日幹辦御藥院徐伸狀准
差主管新定郡夫人呂氏葬事欲乞並特依續理昨主
管淑國懿穆夫人梁氏葬事體例詔依

三十一年十月十二日幹辦御藥院賈竑狀准差主管
惠國夫人何氏葬事欲乞並依董仲永昨主管和國肅
順夫人張氏葬事體例詔依

十三日少師瀘川軍節度使榮國公致仕錢忱劄子奏
臣福過災生疾病忽至委頓尚以身後仰累君父臣考
妣墳墓在台州天台縣今乞就此安厝特先勅葬仍指

揮台州依例量行應副詔錄

三十三年八月二日幹辦御藥院馮孝宗狀准差主管
齊安郡夫人張氏葬事欲乞並依徐仲昨主管新定郡
夫人呂氏葬事體例詔依

八日禮部言准都省劄子奉聖旨故岳飛起自行伍不
踰數年位至將相而能事上以忠御衆有法屢立功效
不自矜誇餘烈遺風至今不泯去冬出戍鄂渚之衆師
行不擾動有紀律道路之人歸功於飛飛雖坐事以歿
而太上皇帝念之不忘今可仰承聖意與追復元官以
禮改葬訪求其後特與錄用本部尋下太常寺勘會去
後據本寺申尋會到所屬本官元係少保武勝定國軍
節度使萬壽觀使見在臨安府錢塘門外寶叔塔後地

名霍山墓園內埋葬本寺契勘本官依令係正一品今欲乞令臨安府奏官一員踏逐高原之地依喪葬令格式以正一品禮如法改葬詔依

十一月三日詔故岳飛男雲追復左武大夫忠州防禦使令臨安府以禮祔岳飛葬

十二月十四日內侍楊震傳宣指揮入內內侍省差李綽主故崇國慈良保佑賢壽夫災周氏勅葬

隆興二年八月六日內侍李功甫傳宣指揮入內內侍省差幹辦內東門司鄧從乂主管秦國夫大長公主勅葬

十八日草土潘粹卿等上表言伏覩已降聖旨故秦國大長公主薨令勅葬者竊念臣粹卿等家貧資薄衆所

共知第恐致時應辦不周未能仰體聖恩被誅戮有
犯天威欲望聖慈止乞從臣故母秦國夫人長公主遺
表內所乞葬事止令婺州應辦就差本家幹辦官管幹
所有已降勅葬指揮特賜寢罷詔依

十一月十三日詔魏勝忠勇力戰陣亡可與贈正任承
宣使更令有司如法葬歛仍賜其家銀絹一千匹兩其

子厚與恩澤閏十一月九日賜其家銀絹依太常寺言勳會賜

今本家子所州軍指揮地安葬其葬事合用人物車馬

今軍照應喪葬二品條法并依

乾道元年二月二十九日詔差入內內侍省押班賈竑

主管故少保尚書左僕射陳康伯勅葬

三月一日禮部太常寺言准尚書省劄子奉聖旨陳康

伯堯子位理宜優異令禮部太常寺檢照典故開具申

尚書省取旨今檢照典故開具下項 一合於臨安府

取賜水銀熟白龍腦以斂 一合於祇候庫取七梁冠

貂蟬籠巾朝服一副 一出殯日都門合排設贈祭

一依典故贈贈銀絹 一依典故差官護葬

戶部侍郎趙鼎入內侍省 詔依差權工部侍郎何備

護其喪歸及應副葬事

三日陳偉節等狀本家今欲就先妣舊憤開故不欲廣

興工役務從簡儉乞下信州量行應副差通判一員主

管葬事乞依萬俟卨例差亡考親侄右從俟事郎監潭

州南嶽廟陳大節添差江東轉運司幹辦公事仍舊務

靖右文林郎監鎮江府榷貨務都茶場河溇時暫護喪

前去照管葬事並候葬事畢歸任伏望特賜數奏施行
詔依

六月六日詔同知樞密院事王剛中薨令臨安府應副
葬事

十五日草土王景辰狀准太常寺牒今來同知樞密事
王剛中身薨依本寺條二品以上薨出殯日都門合設
贈祭伏念景辰先父身薨余自臨安扶歸饒州安葬所
有今來合設贈祭欲乞朝廷特降指揮依例免行排辦
詔依

二年八月二十四日內侍李功甫傳宣指揮入內內侍
省差入內內侍省都知李綽主管故少保新興郡王吳
盖初葬於祇候庫取貂蟬籠巾法服一副充賜故少保

吳蓋使用

二十五日幹辦御藥院李蒙狀准差主管嘉國夫人楊氏葬事欲乞並依昨故惠國夫人何氏葬事體例詔依九月九日內侍陳濟奉聖旨於臨安府取水銀一百五十兩熟白龍腦一百兩充賜和國淑懿靖順夫人郭氏身亡使用

十日詔差提舉德壽宮張去為主管故和國淑懿靖順夫人郭氏初葬

十一月七日詔楊存中已薨可令初葬差徐伸主管於祇候庫取貂蟬籠巾法服一副賜楊存中

三年三月二十七日草土趙伯圭劄子奏臣罪大逆重不自殞滅天降酷罰禍延臣母給欲扶護家親歸湖州

先塋合葬欲望特降降旨就委浙西漕司所湖州守臣
量行應副葬事奉太上皇帝聖旨可並依所乞除一面
差人賜賻贈外可劄下該處疾速應辦務要優厚無致
減裂

四月八日權兩浙路轉運副使姜訖言遵依太上皇帝
聖旨指揮專一應辦秀王夫人葬事伏緣上件葬事即
係勅葬欲望朝廷特降指揮標撥葬事一行官屬及支降
錢物應副詔依

十日內侍李功甫傳宣指揮入內內侍省差入內內侍
省押班林肇主管故皇伯母秀王夫人勅葬

十八日草王趙伯圭劄子奏伏念臣當來所以陳乞漕
臣應副葬事非敢有他止恐私家有所不能辦者須少

假官司之力非敢以覲漕司財用之費已蒙聖恩俯從所請臣今復聞朝廷舉行勅葬禮數臣母已蒙聖恩錫資賻贈之物至優至厚臣為人子之心自當罄竭家資以畢襄奉欲望聖慈寢罷勅葬指揮免差一行官屬止依元降指揮施行詔恭奉太上皇帝聖旨依所乞

四年七月四日草土蔣節狀尚書省劄子已降指揮太常寺狀右僕射蔣節母儀國太夫人慕容氏亡歿出殯日都門合該排設贈祭契勘今來降賜祝文恩禮過厚臣子之義非所敢當并有司排辦禮物稍多差官吏兵級人數不少委是煩擾存沒難安伏乞朝廷特賜數奏寢罷詔依

六年五月十八日內侍李玪傳宣指揮入內內侍省差

幹辦御藥院李彥直主管藥國柔明淑美和懿順穆夫人王氏勅葬

七年二月二十一日內侍李佐傳宣指揮入內內侍省差入內內侍省押班王榮主管故太傅大寧郡王吳益勅葬於祇候庫取法服一副充賜故傳太寧郡王吳益使用

二十八日內侍鄭大亨傳宣指揮入內內侍省差王概主管遷葬故太傅新興郡王吳益

八年七月十日幹辦御藥院鄭詢狀傳差主管藥國惠和夫人王氏葬事欲乞並依李峻昨主管嘉國夫人楊氏葬事體例詔依

九年二月十日睿思殿祇候幹辦後院王居奉聖旨於

祇庫取詔蟬籠巾朝服一副充賜故太師安城郡王劉光世

六月七日詔儀國柔惠嘉淑靖懿夫人朱氏身故差帶御器械甘昇主管初葬

九月二十四日幹辦御藥院陳子常狀准差主管宜春郡夫人邢氏葬事所有應干舉行事件欲乞並依馮孝宗昨主管齊安郡夫人張氏葬事體例詔依

淳熙元年十月十六日詔參知政事鄭聞身薨今臨安府應副葬事

十七日草土鄭林狀准太常寺牒為先父身薨依條二品以上薨出殯日都門合設贈祭欲乞朝廷特降指揮依例免行排辦詔依

二年二月十五日幹辦御藥院劉慶祖狀准主管惠國夫人王氏葬事所以應干合行事件欲乞並依鄭詢昨主管榮國惠和夫人王氏等葬事體例詔依

二十四日幹辦御藥院王濛狀准差主管惠國夫人張氏葬事所有應干合行事件欲乞依見今惠國夫人王氏葬事體例詔依

四年正月四日幹辦御藥院王汝弼狀准差主管和義郡夫人楊氏葬事所有應干合行事件欲乞並依陳子常昨主管宜春郡夫人邢氏葬事體例詔依

四月五日幹辦御藥院趙友諒狀准差主管新興郡夫人于氏葬事所有應干合行事件欲乞並依霍汝弼昨主管和義夫人楊氏葬事體例詔依

五年五月二日幹辦御藥院林億年狀准差主管慶國淑懿夫人李氏葬事所有應干合行事件欲乞依昨榮國惠和夫人王氏等葬事體例

六年六月十六日幹辦御藥院張安甲狀准差主管和國順恭夫人王氏葬事所有應干合行事件欲乞依昨慶國淑懿夫人李氏等葬事體例詔依

七年十二月一日草土曹茂先劄子奏伏蒙聖恩特降中使傳宣問臣家願與不願勅葬先臣親仰戴隆天厚地之恩何以稱塞重念先臣治命每愧叨踰今身後豈復更蒙朝廷厚禮誠不遑安欲望聖慈特賜府旨行下臨安府應辦一行葬事詔依

九年五月九日內侍何靖傳宣損指揮入內內侍省今

月九日公主薨特差府恩殿祇候甘宗茂主管初葬
六月十八日詔同知樞密院事兼權參知政事謝廓然
薨可令臨安府應辦葬事

二十七日草上謝周卿狀准太常寺牒今來故同知樞
密身薨依本寺條二品以上薨出殯日都門合設贈祭
伏念周卿先父身薨所有今來合設贈祭欲乞朝廷特
降指揮依例免行排辦訖

十年七月二十九日內侍毛居實傳宣指揮入內內侍
省差入內內侍省副都知劉慶祖主官故婕妤李氏初
葬

中興禮書第二百九十九卷

凶禮六十四

服紀一

紹興元年四月十六日持服孟忠厚嘗見丁母憂係衰服今來大行隆祐皇太后係期至日舉掛難以捨重從輕乞用衰服行事太常寺檢照欽聖憲肅皇后升遐當時二第服衰終三年之喪欲依例令孟忠厚服衰服若入皇城門權易墨衰掛服日由權開門出入更不易衰服詔依

三年八月十八日草土朱勝非言臣前赴行在若到國門或有被授拜賜詔命及入城朝見并赴堂治事聚堂見客私第接見賓客未審各合著是何服衣伏乞令有

司檢照起復典故庶得有以遵守勸會朱勝非已降麻起復左宣奉大夫守尚書右僕射同中書門下平章事兼知樞密院事閣門狀檢會閣門令諸臣條起復或在總麻以上親喪假應入殿者權易吉服契勘朱勝非朝見入殿并日遞趨赴朝殿合依上件令文依舊章服太常寺狀令省記得宣和年間曾降指揮起復臣僚起朝治事並服吉服兼記得當時鄭居中李邦彥條起復依上件指揮並服吉服所有今來朱勝非若到國門拜受詔命并赴堂治事聚堂見客私第接見賓客並合服吉服奉聖旨並依勝非除已遵稟外數內私第接見賓客一節竊慮合依例服綉公服皂帶不佩魚幘頭不用光漆詔依

十一年七月四日吏部言准都省付下秘書省校書郎
盧奎劄子三代實係曾祖善祖安父積並故不任見供
家狀內三代據曾祖安祖積並故不任父致遠故贈承
事郎以兄為父以父為祖昭穆不相當有違禮法今來
兄召保官申陳改正三代所有父母從前去後未委合
追服新喪三年備行遵喪齊哭小祥大祥禫祭之禮或
正或解官正名心喪乞檢條例或特降指揮以憑遵稟
後批送吏禮部勘當申尚書省勘會本官所乞追服父
母之服一節禮部勘當欲依本官所乞遵依今格合解
官追服外所有乞改正三代召到
保官三員委保是實本部今勘當欲依本官所乞注籍
施行詔依

二十六年七月二十七日禮部符徽州休寧縣申據右
迪功郎縣尉蔣永吉狀伏覩紹興格齊衰杖期正服嫡
孫祖在為祖母齊衰不杖期正服為祖父母孫女通人同
生庶母服亦同惟緣永吉祖母在日祖父有妻養得父
父有男二人永吉係長子祖父在日祖妻為尼在寺其
祖父祖母身亡永吉已承服訖永吉父已亡見有親母
在堂今得家書載祖妻大師逝以疾在江陰軍尼寺身
故未審合依是何服制合與不合解官申部下太常寺
本寺合檢准國朝會典寶元二年八月十三日三司度
判官集賢校理薛紳言祖母萬壽縣太君王氏卒蒙給
假三日竊以祖母王氏是先臣所生母服紀之制罔知
所適乞申詔有司檢詳條制俯降朝庶知遵守詔送太

太常禮院與御史臺詳定聞奏衆官參詳紳受重於父
合申三年之制體尊義重合令解官持齊衰三年之服
詔從之契勘蔣永吉為父所生母亡合依前項禮例解
官持齊衰三年之服

二十九年九月十三日持禫服韓仲通言奉旨差知鎮
江府緣見居禫制敢冒分符差追還誤恩詔令候從吉
日前去之任

十二月十七日宰臣湯思退言喪長女依條乞給式假
五日詔令朝參治事止令早出假

三十年二月十六日大理評事元燕之以高祖母安人
顰氏死乞重承解官詔依

三十一年十月八日禮部符太學進士俞燁狀親母王

氏於建炎間為金人虜去。煇是時方年五歲。於紹興十一年十二月內先父瑞祖賻得韓氏作煇繼母。於紹興十六年三月內先父身故。得百日繼母韓氏即離本家歸前夫吳氏家。經今十四年。於今年七月間繼母韓氏帶前夫家所生子吳埴至臨安府吳氏墳所幹事。於八月間繼母韓氏身亡。煇除已於當時舉掛外。未委服得如何服。符太常寺勘當。本寺請官集議下項。一太常博士鄭聞議曰。子思曰為伋也。妻者是為白也。母不為伋也。者是不為白也。母此後世禮律之本意也。俞煇疑繼母韓氏之服煇。忍言哉。在繼母改嫁歸宗踰三年則絕。又出則不服。出謂得罪於其夫者。韓氏夫存而未嘗得罪。不得謂出夫亡從前夫之子不得謂歸宗。

守志而終未嘗更嫁如是則煇之服何疑焉母雖不母
子不得不盡孝其從前夫子又安知煇能盡奉事之道
否即使諫之宋聽煇且能號泣而隨之況煇云親母經
亂不知在亡煇固未嘗為之服也今又不為繼母服天
下豈有無母之國哉揆之情義考之成法皆無疑焉而
煇疑之煇忍言哉為父之妻者是為煇也母母子之義
既未嘗絕煇之服何疑焉晉徐叔中之議附之於嫁下
壺之議不為服蓋時無成法故王式為服周而議者疑
之雖然式之過於孝未始自言也今煇自疑其服自請
於有司是以子而出其母異乎過於者矣煇策進士必
不冒成法而遂私況律意甚明有司當以是告俞煇合
為繼母韓氏齊衰三年服謹議

一太常博士林栗議

曰謹按禮律嫡繼慈絜服之如母以恩義繼斷也改嫁或歸宗經三年以出斷絕者恩義無餘則服為之絕也繼母嫁而子從之為之服期者義雖絕而恩猶存絕於夫家而未絕於子也經曰繼母何以母繼母之配父與親母同故孝子不敢殊也所謂與親母同者生則配其養歿則配其葬祭則配其饗若夫亡而已存則奉其蘋蘩保其孤幼如是而後與親母同也今韓氏夫亡百日捨其几筵而歸前夫之子十有四年無反顧之情恩義絕矣不終後夫之喪不撫俞氏之孤不奉俞氏之祭骸骨不歸俞氏之穴魂靈不入俞氏之廟親非已生恩義又絕雖欲服之將何名乎服之以告其父若祖且廢其祭將得安乎若曰嘗為其父之妻則不得不服之如母

然則改嫁歸宗不當絕其服矣按尋禮律即無還前夫子之法而晉徐叔中宋庾蔚之議皆比附於嫁為其與前夫同穴故也議者或疑其未嘗改醮若比於歸宗當無餘蘊矣然律著改嫁歸宗而不言還前子者何原聖賢之意寧與其改嫁歸宗而不與其還前子也婦人之義從一而終夫亡而無所依至於改嫁歸宗蓋有不得已而聖人之所不強禁也若後夫亡而有前子之可歸明再適之情非出於不得已利而背之窮則歸之禮律之所不容也推是言之附於改嫁歸宗則為恕矣或曰繼母之還前子繼子之養不隆也又絕其服則不孝之子將不容其母之留矣夫再嫁之妻未必皆有前子而其宗可歸則十九也今律著歸宗而絕其服若子因以

出母是聖人之以不孝令也而豈有是哉然禮律所生
生乎人情情有厚薄故禮有隆殺禮有隆殺故服有升
降故律有加絕厚於其所厚故不得厚於其薄也尋俞
輝親母王氏陷於寇難三十餘年尋訪理絕今父已亡
繼母又亡身非衆重而不於此時為親母制服將何俟
焉是則於其所厚者未之議也而況使之綴情於既絕
之餘乎昔李敏淳海不知存養其子信追求積年欲行
喪制服則疑父尚存後見鄰居與父同年者亡乃為制
服記於信史為後世法今輝縱於繼母無恩之方與母
同年生者不意相類矣夫人非無自而生禮非無故而
立輕在此則重在此謂宜行下所屬聽俞輝服親母王
氏齊衰三年謹議 一太常博士楊民望嚴杭議曰竊

議俞輝合服繼母服其說有五據俞輝紹興三十一年
狀稱紹興六年三月父亡今年七月韓氏亡計一十六
甲子實一十五年四箇月見得韓氏夫死不止百日而
去一也本寺下所屬會俞家韓氏於前夫墳墓埋葬唯
復於俞家墳墓埋葬俞燧兄燧應報不歸本家營葬言
不營葬則是韓氏葬與未葬未可知也自應是俞氏之
子奔喪迎葬其喪不歸是誰之過歟二也據俞輝兄燧
狀稱俞輝已及十年不歸鄉里未委在何所居住輝且
十年在外而兄不知其所安能使其母留母之去必非
不得已三也繼母條齊衰三年今既非出非嫁非歸宗斷
絕則無法可指即是應服繼母之服若今比類別條創
立不服之制則後來之繼母不為後夫之子所養而子

不服繼母之服者必多矣四也若法有不服之文而俞
 輝服之尚可以觀過知仁法無文而輝以疑請於官則
 意可誅矣古之於疑罰從輕於疑賞從重於麻冕從儉
 於拜禮從下今母子之服倘有疑焉不亦宜從厚乎五
 也宜勸俞輝依見行條法服繼母齊衰三年以厚風俗
 謹議 一太常少卿王普議曰易曰常其德正婦人吉
 從一而終也又曰不常其德或承之羞象曰不常其德
 無所容也蓋婦人有三從之義未嫁從父既嫁從夫夫
 死從子以終其身此所謂從一而終者婦人之正也被
 有夫死而再適人或歸宗者雖不可謂正容有不得已
 焉是以喪服之制其適人則前夫之家唯子降而不絕
 後夫之家有受而厚之者其歸宗則父母之親皆反其

初服焉禮律自有明文不可紊也至於夫死有子不安
其室已再適久而後夫又死乃歸前夫之子此尤非正
故禮律不載其事然則後夫之家初無絕服之文前夫
之家亦無受布而厚者雖於其親子仍為嫁母不當奉其
祭祀不當主其家事徒以母子無絕之義就養於彼猶
客寄爾婦人至此是謂不當其德而無所容者豈不可
也哉禮律不言是深不與之也也然於喪服之制無加損
焉抑所以深愧之歟今據見行條法韓氏前夫之子只
當為嫁母服期前夫之親族皆不當為服即燁當為韓
氏服繼母三年之服明矣

禮記
母之服
告王
命燁
持服

中興禮書第三百卷

凶禮六十五

服紀二

隆興元年十一月三日樞密院言文禮部申准批下敦武郎前岳州都巡檢使郭玘狀係安穆皇后從堂叔出官四十餘年曾歷親民乞陶鑄差遣候指揮檢會已降指揮戚里之家后妃有服親與添差不釐務差遣支破釐務請給送吏禮部勘會申本部照得本人與安穆皇后依格係總麻服出嫁則不服申聞事勘會本人係安穆皇后從堂叔難以引用常人出嫁降服條法詔特令吏部添差合入差遣一次

乾道元年九月一日三省行首司狀左僕射葉顒為次

男婦身亡依條合給喪假五日詔依令朝參治事止給早出假

四年三月四日都察院批下守國子司業兼權禮部侍郎程大昌劄子檢准紹聖二年正月四日色降指揮節文禮部據太常寺狀諸處官司定奪服紀等自有頒降勅令格式五服勅等遵守如別曹氏寺監處聞到部即從本部詳審下太常寺定奪回報合入禮部太常寺令勘會今來每遇承准吏部等處連到戚里之家供寫宗枝圖本寺行下太常寺依給與喪葬格契勘服屬回報緣太常寺即無所掌戚里及臣僚之家宗枝名諱圖籍亦別無勘驗去處竊見近來陳乞之人連到宗枝圖本節略隱漏不全及供寫宗派名諱異同難以據憑定奪服

紀今相度欲乞今後如有具宗枝圖到部即吏部等處
 先照逐官三代同方召保官結朝典狀委保是與不是
 所供宗派下方許經由禮部行下太常寺定奪服紀施
 行後批送禮部依所申施行五月十四日吏部中議元
是禮部名色官典員委保陳乞日合與不合一經
近陳乞數本都無以達相陳乞朝廷詳酌指揮施行批送
文禮部揭帖中尚書省下太常寺勅令指揮施行批送
乞今後如有戚里及遠近陳乞添差等令全為宗
枝圖本名陳保不得而略應海內知戚本方許經朝廷及
結保典狀委保係是所供宗派下酌戚本方許經朝廷及
所為陳乞經內禮部依指定敘事施行
 淳熙二年閏九月十四日太常少卿顏度劄子近來戚
 里之家陳乞添差有已曾下寺定奪服紀申部去後吏
 部已行添差注授差遣之人後來復行到部吏部又復
 連送禮部再下寺定奪服紀遂敘一次差注一次行移

往復迂回留滯今相度如有已定奪去後已曾差注之人欲乞令吏部照應本官前任陳乞添差已定奪事祖一面勘會供申如有元不曾陳乞添差未經本寺定奪服紀之人即乞依已降都省批狀指揮施行劉付吏部依所乞施行

三年正月六日吏部符准都省批送下本部狀於淳熙二年內據承事郎新差監行在和劑局門官瑄狀於今年正月內合行赴任竊緣故父係叔祖發幹之子所生母陳氏所出後發幹將子櫟過房與兄樞密為子生瑄今來父櫟所生母陳氏於今年正月初十日身故其陳氏雖是故父櫟所生母於瑄所養家在法別無服紀兼瑄所生位發幹妻叔祖母太淑人孫氏見在堂及陳氏

向已出嫁尹成為妻竊慮赴任日所屬不知前項因依
乞檢坐見行條法出給公據照會遵守以憑赴任本欲
乞批送下禮官將本官所陳事理詳議後批送吏部下
太常寺又准都省批下兼權吏部郎官何萬劉子伏見
本選今年三年月內有新監行在藥局門當琯以故父
本生家所生已嫁母陳氏元在法別無服紀本部具申
朝廷乞下禮官詳議猶未有定論萬以本選職事脩知
本末報考禮法參稽故事逐項開說庶釋疑惑少裨議
論之未萬聞三年之喪服之極盡者也非受重為後於
父母與祖父母則不可以三年何者施之他人則重其
所輕重其所輕是輕其所重古之聖賢所以致意於毫
釐之間故庶子不繼祖不得為長子三年記禮者注云

尊先祖之正體不二其統也蓋重在繼祖也夫為人後者其妻為本生舅姑服大功記禮者注云以不二隆也蓋重在為後也女出嫁則為父母期蓋其夫家適婦不為舅後者則姑為之小功蓋重在繼嗣也重於此故有輕而加重重不在於此故有重而降輕此議禮者責乎別嫌明微合於聖賢之心而非委巷之所謂禮也今富瑄之父樹本發幹之子出繼為柅密之後樹既死瑄為嫡孫受重於柅密不得繼後於發幹之家陳氏未死已嫁於尹成矣樹以生已之故出其私意乞封之已失受重之義令其死也使其初不嫁則祔於發幹之家使其已嫁則祔於尹成之家果無成服之人二家當自為之瑄為柅密之後豈得棄其所重解官持服以從事於他

家乎五服。勅曰：唯為祖後者不服。春秋傳曰：於子祭於孫。止義纂曰：出繼者之子不從其父反服。此其明文無疑也。或者曰：父當為所生心喪三年。父既死，子當代之。夫以子代父，是謂承重。聞有為祖父母承重者矣。未聞有為父所生承重者。又未聞有為父本生家所生承嫁者。承重者也。蓋禮無嫡孫承兩家之重者。今太淑人見在者，發幹之妻陳氏者，發幹之妻。此皆櫛耒死所當心喪三年者。若使瑄皆代父受兩家之重，則發幹之妻既已為之三年矣。他日發幹之妻死，使瑄若何為服？即陳氏已嫁於尹成，以一瑄之身而承三家之重，安有是理？曰：禮與法反復甚明。若遲留不報，使瑄驚疑，輒就三年之喪，是為失禮。其事猶小而國家禮文制度百代

之所規式四方之所觀望有如考釘不合古聖賢之心
為損不細伏乞朝廷行下議禮官參酌施行後批送禮
刑部看詳指定申尚書省禮部尋下太常寺看詳指定
本寺檢准乾道服制格齊衰不杖期為祖母若父所
後者不服并乾道令諸喪斬衰三年解官齊衰杖期
及祖父母亡嫡子死或無嫡子而嫡子兄弟未終喪而
亡孫應承重者雖不受服及為人後者為其父母若庶
子為後者為其母亦解官其心喪母出及嫁為父後
者雖不服亦申心喪已者其嫡繼慈養改嫁或歸宗
經三年以上斷絕及父為長子夫為妻不解官除檢坐
到前項條格外於本寺別無條法該載還申刑部乞行
下所屬契勘准刑部符下大理寺看詳據大理寺申止

檢坐到前項見行條法本寺當時具上件因依開坐供
申省部外即別無條法可以指定乞連送吏部施行續
准都省批下吏部申乞批送今狀下禮官將本官所陳
事理詳議施行本寺備坐國朝會要該載薛紳為庶祖
母王氏解官持服典故契勘在法止載孫於父所生
庶母齊衰不杖期為祖後者不服此條係是孫為父所
生庶母服又令節文祖父母亡嫡子死孫應承重者雖
不受服亦申心喪此條亦係孫為祖父母服今來富瑄
之父榭係陳氏所生過房與富樞密為後其富瑄以樞
密為祖在法無父為人後者父亡而其子為本生庶祖
母服之文若父榭在日陳氏身亡依條為人後者為其
父母汪為生己者富榭合解官申其心喪今富榭身故

陳氏身亡使當稱存而不過房陳氏身亡今見所生之
家嫡母在照本寺省記條不為父後有嫡母合總麻三
月解官申心喪緣當稱過房身故在陳氏未亡之前今
陳氏身亡於條不曾該載却有稱之子指視陳氏為父
所生庶祖母揆之人情陳氏生子而子先亡今陳氏身
故則是終無成服之竊詳國朝會要所載薛紳為庶祖
母持服緣禮法不載當時乞下御史臺刑部審刑院大
理寺與禮院同共定奪薛紳解官持齊衰三年之服
今來富瑄為父所生母雖與薛紳稍同緣又有過房一
節本寺難以獨專詳議乞省部詳酌備申朝廷指揮依
典故下禮法之官參議其極去後今准都省批送下何
萬劉子為富瑄故父本生家所生已嫁母陳氏死在法

別無服紀事今且詳在法慈養嫡總即有改嫁斷絕之
文如生已者雖改嫁無絕道今富樹之母係生樹者即
無改嫁而絕之之道兼樹在日以陳氏所生之故累經
封叙樹先死則瑄乃其親孫既係其父所生母則是庶
祖母照服制格齊衰不帶期為祖父母注孫於父所生
庶母服亦唯為祖後者不服此謂父在而子為父所生
庶母則服之與祖父母同又服制令節文祖父母亡嫡
子死孫應承重者雖不受服亦解官申其心喪禮心喪
注凡此以恩義之間為制富瑄之於陳氏實為其父所
生母其服在法與祖父母一同陳氏生樹豈得為無恩
今樹既先死瑄若為祖後雖不受服豈得為無義恩義
之間亦當中心喪況為人後者為本生外祖父母猶服

總麻豈有為人親嫌而忍視其父所生母之死如行路
之人而恣然不為情者乎非所以重名教厚風俗揆之
人情參之禮法刑官之心長明矣申明本部今看詳欲
依太常寺看詳指定到事理施行刑部今看詳欲依禮
部看詳指定到事理施行申省候指揮承後批送禮部
看詳到何萬劉字理會富壇持服刑部供到狀本部看
詳已行檢坐條法供申除外別無條法該載十二月二
十七日送吏部依條施行勘會今承批下既別無條法
該載其本官節不合丁父本生家父所生已嫁母憂今
來即不合前去之任

四年四月十六日承讓郎試太常少卿兼權尚書工部
侍郎顏度劉子竊見吏部禮行下本寺定奪服紀一事

照對諸司及諸州軍等處自有頒降乾道勅令格式五服格等自合遵守近來諸路州軍等處有已挽差違或見任之官緣與職事統攝相干合行迴避退闕并有不法不該迴避故作申審又有徑經吏部陳乞者於法自無可疑往往欲違回月節巧作申審致送下寺會門本寺亦止是檢照乾道格開具服紀回報徒見移行緣諸司及諸路州軍等處自有掌法官司自合照格看定今乃往復留滯遲延歲月欲相度日後諸司及諸州軍若有服紀疑難不可定奪者方許經由禮部行下本寺看詳其餘自合本處一面照條格看定施行乞朝廷劄下吏部行下諸州軍等處各行遵守送禮部依本官所請六年二月十三日禮部言准都省批下吏部申為吳益

景乞解官持心喪事續又准都省批送下吳拱妻許氏等狀乞將吳景祿正持服事後批送禮吏部同共一就勘當申尚書省尋連送太常寺勘當本寺申准批下宣義郎行將田令吳景狀元係祖故任保平靜軍節度使開府議同三司四川宣撫使玠之孫故任宣徽郎通判洋州扶之嫡子孫緣景年四歲先父身故是今伯拱以景過房教養至紹興三十年用故祖遺表恩澤補蔭出官直至乾道九年九月伯拱為見景先父扶位下無子止有景一人令景歸宗復給還到元分業產有第三代當時景未忍遽然棄續蔭附今來伯拱既是身故景難已析產歸宗自念亡伯養育教導之恩欲解官持心喪以報恩義候指揮吏部勘會吳景持服除附改正內除附

一節係屬戶部所掌外照得太常寺稱吳景乞持伯拱
心喪以報恩義一節乞從朝廷指揮施行本部今勘當
欽乞朝廷指揮施行詔吳景令解官持服

六月十九日勅令所言准都省批下禮部申勘會近據
從政郎新高郵軍司理廩師求狀稱自小過房在親叔
位下除本生父及所生母身亡已解官持服外今來本
生嫡母身亡未審合與不合解官乞檢坐條法告示本
部檢准乾道重修服制令為人後者為其父母若庶子
為後者為其母亦解官中其心喪結與今來廩師求嫡
母身亡正是為人後者為其父母合行解官分明尋下
太常寺取索前後體例據本寺檢到隆興二年刑部符
備坐右奉議郎李浚狀元係李若樸庶子過房在伯若

水位下今來嫡母得氏身亡合與不合解官當時下大理寺指定大理寺稱為人後者為其父母亦解官申其心喪注稱皆謂生已者李浚既不係徐氏所生不合解官本部竊詳服制今既載前項解官申其心喪又云母出既姑為父後者雖不服亦申心喪然後注皆謂生已者五字蓋謂所生母或為父所出或父死而改嫁義雖斷絕生育之恩不絕故亦令申心喪與上文為其父母解官自是兩頓不相干涉兼在法嫡繼慈養改嫁或歸宗尚須經三年以上斷絕然後解官豈有嫡母在堂偶因為人之後遂不解官之理今李浚本生嫡母初未嘗為本生父所出爰未嘗改嫁而大理寺却節去母出及嫁以下十五字而移注文皆謂生已者五字於為人後

者為其父母解官申心喪之下則是嫡母之任堂與夫
被出改嫁者更無差別背違法意何以示訓欲望朝廷
批送勅令所更切看詳其徐氏元係李浚嫡母不曾被
出及改嫁李浚合與不合解官如合解官乞下吏部勒
問本人徐氏身亡之後却未曾解官申其心喪即今日
下改正依條施行免致將來有司一向引用誤行之例
有害名教所有廩師求事體與浚正同自合解官本部
見欲具條告示外申都省後批送勅令所看詳申尚書
省今看詳按服前令諸喪斬衰齊衰三年解官為人後
者為其父母亦解官申心喪若庶子為後為其母亦解
官申其心喪母出及嫡為父後雖不復亦申心喪注皆
謂生已者止條注文雖有皆謂生已之文蓋緣父之妾

有子皆為戶部主事稱已生以別之即與上文為人後者為其父母文意自不相干况本條下文又云其嫡繼慈養改嫁或歸宗經三年以上斷絕方不解官即嫡母不曾改嫁及不曾歸宗經三年自當解官分明前項禮部已勘會事理於法意委得允當伏乞朝廷指揮施行看詳到龐師求本生嫡母亡合解官等送禮部依勅令所看詳到事理施行

七年十二月一十五日太宗正司言右千牛衛將軍不合狀伏為親伯少師嗣濮王今月十八日薨緣不合自年四歲父亡六歲母薨氏亡孤遺蒙伯父鞠養至于成人種種恩德不盡縷數今亡伯並無兒男不舍欲乞解官特服庶幾少報涓埃詔特詔特依所乞許解官持服

候服闋日取旨旌異